

VALERIA Ptol. ibid. vulgò *Valera la Vieja*. *Magnentius* huius Episcopus interfuit Concilio Toletano sub Gundemaro.

SEGONTIA Ptol. ibid. Saguntum Strab. lib. 3. vulgò *Sigüença*. *Protopogenes* Segontinus Episcopus interfuit Concilij Toletano tertio, & Toletano sub Gundemaro.

SECOBIA Ptol. ibid. Areuacorum vrbs in antiqua Tarraconensi, vulgò *Segouia*. *Petrus* Secobiensis Episcopus subscripsit eidem Concilio Toletano tertio, & *Ansericus* Hispalensis secundo.

ARCABRICA Ptol. ibid. vulgò *Arcas*, Ciuitas olim Episcopalis, nunc in vicum redacta Conchæ vrbi proximum, quæ illius & Valeriæ sedem Episcopalem obtinet. *Thalassius* Arcobricensis Episcopus subscripsit Concilio Toletano tertio.

ORETVM Ptol. ibid. vulgò *Oreto*. *Andonius* Oretanæ ciuitatis Episcopus subscripsit Concilio Toletano III. sub Reccaredo, & *Stephanus* Toletano sub Gundemaro.

VALENTIA Contestanorum Ptol. ibid. vulgò etiam *Valencia*. *Musitacius* huius Episcopus subscripsit Concilio Toletano quarto.

DIANIVM Ptolem. ibid. vulgò *Denia*. *Antonius* Dianiensis Episcopus subscripsit Concilio Toletano V. nullumque ante eum in Conc. reperi.

SÆTABIS Ptol. ibid. seu Setabis sine diphtongo Straboni lib. 3. vulgò *Xatua*. *Motto* eius sedis Episcopus subscripsit Concilio Toletano sub Reccaredo, & *Florentius* Toletano quarto.

BASTI Ptol. ibid. vulgò *Baza*. *Eutychianus* huius Episcopus subscripsit Concilio Eliberitano, & *Theodorus* Toletano quarto.

MENTESA Ptol. ibid. vulgò *Mentexa*, teste Clusio. *Pardus* huius Ecclesiæ Episcopus subscripsit Concilio Eliberitano, & *Ioannes* Toletano tertio.

SALARIA Ptolem. ibid. duplex est, vna in Bastitanis, altera in Oretanis. *Iannarius* Salariensis subscripsit Concilio Eliberitano, post quod nullam huius sedis memoriam legi.

ACCI Ptol. ibid. vulgò *Guadix*. Ex eius Episcopis *Felix* subscripsit Concilio Eliberitano, & *Lilliolus* Toletano tertio.

SEGOBRICA Ptol. ibid. vulgò *Segorbe*. *Proculus* Segobricensis Episcopus subscripsit Concilio Toletano tertio.

CASTVLO Ptol. ibid. vulgò *Gazlona*. *Secundinus* eius ciuitatis Antistes subscripsit Concilio Eliberitano, & *Anianus* Sardicensi.

BIGASTRVM Tom. 2. Concil. *Vincentius* Bigastrensis Episcopus subscripsit Concilio Toletano sub Gundemaro, & *Bigitinus* Toletano quarto.

ILLICI Notitijs antiquis: seu Illicias Ptol. ibid. quibusdam *Alicante*, alijs *Elche*, vel *Origuella* supra Seguram vulgò dicitur. *Serpentinus* huius Episcopus subscripsit Concilio quarto Toletano.

ERGAVICA Ptol. ibid. vulgò *Alcaniz* quibusdam dicitur, sed id dubium est, cum non longè à Toletano distet. *Petrus* Ergauicensis Episcopus subscripsit Concilio Toletano tertio, & Toletano sub Reccaredo.

ELIOCROTA Antonino in Itinerario, vulgò *Lorca* quibusdam, sed non ita certum. *Succensus* eius Episcopus subscripsit Concilio Eliberitano.